

Inunnut allamik siunertaqaratik ujaqqanik pinneraasiassanik annikitsuinnarmik nioqqutissiorniartutik pinngortitami ujarattarniartunut annikitsumik aatsitassarsiornermut killigeqqusap eqaannerusunngortinnissaata oqallisiginissaa siunnerfigalugu Aatsitassanut ikummatissanullu inatsisip kapitaliata 8-p § 45-llu oqallisiginissaat pillugit apeqquteqaat aallaavigalugu oqallittoqarnissaanik siunnersuut.

(Inatsisartunut ilaasortaq Naaja Nathanielsen, Inuit Ataqatigiit)

Akissuteqaat

(Inuussutissarsiornermut Aatsitassanullu Naalakkersuisoq)

Inatsisartunut ilaasortaq Naaja Nathanielsen, inunnut allamik siunertaqaratik ujaqqanik pinneraasiassanik annikitsuinnarmik nioqqutissiorniartutik pinngortitami ujarattarniartunut annikitsumik aatsitassarsiornermut killigeqqusap eqaannerusunngortinnissaata oqallisiginissaa siunnerfigalugu Aatsitassanut ikummatissanullu inatsisip kapitaliata 8-p § 45-llu oqallisiginissaat pillugit apeqquteqaat aallaavigalugu oqallittoqarnissaanik siunnersuuteqarpoq.

Aatsitassat pillugit ingerlatallu tamatumunnga pingaarutillit pillugit Inatsisartut inatsisaata nr. 7, 7. december 2009-imeersup (aatsitassanut ikummatissanullu inatsit) atuutilernerani, inatsimmi kapitali 8 naapertorlugu, annikitsumik aatsitassarsiorluni misissuisarneq paaasernerlu pillugit immikkut maleruagassaqarnissaa periarfissinneqarpoq. Tamatuma ullumikkut annikitsumik aatsitassarsiornissamut akuersissutinik arfineq malunnik tunniussisoqarsimanera kiisalu qinnuteqaatit sulii allat maannakkut suliarineqarnerat ajornarunnaarsippaa.

Maleruagassat ullumikkut atuuttut malillugit aatsitassanik inuussutissarsiuutigalugu katersineq aamma inuussutissarsiuutigalugu katersineq immikkoortinneqarput. Inuussutissarsiuutigalugu katersinissamut – tuniniaanissaq siunertaralugu katersinissamik paaanissamillu siunertaqartumut – akuersissummik peqarnissaq pisariaqarpoq, ilanngullugu annikitsumik aatsitassarsiornissamut akuersissummik peqarnissaq. Inuussutissarsiuutigalugu katersineq – tuniniaanissaq siunertarinagu nammineq atugassanik – akuersissummik peqaaqqaanngikkaluarluni ingerlanneqarsinnaavoq.

Maleruagassat maannakkut atuuttut qinnuteqartup Kalaallit Nunaannut attuumassuteqarnissaanik, qinnuteqartup paaanissamut pilersaarutai pillugit paasissutissiinissamut, kiisalu akuersissummik pigisaqartup annikitsumik aatsitassarsiorluni ingerlatat pillugit nalunaarusiortarnissaanik immikkut piumasqaatitaqarput.

Ukiut marlussuit kingulliit ingerlaneranni oqariartuutaasartut tunngavigalugit, oqartussaasut tungaanniit nutaanik suliniutinik arlalinnik aallartitsisoqarpoq, tamarmik Kalaallit Nunaanni annikitsumik aatsitassarsiorluni ingerlatanik suliaqarnermut pitsaannerusunik sinaakkusiussaqarnissamut iluaqutaasussaallutik.

Siullermik annikitsumik aatsitassarsiornermik suliaqarnermut maleruagassat sinaakkusiussallu pillugit annertunerusunik paasissutissiisarnissaq kissaatigineqarpoq. Tamanna tunngavigalugu

Aatsitassanut Ikummatissanullu Pisortaqarfik 2011-imi annikitsumik aatsitassarsiorluni suliaqarneq pillugu aatsitassanut tunngatillugu filmiortitsivoq, KNR-imi 2012-ip aallartinnerani takutinneqartumik. Filmi taanna tamatuma kingorna innutaasunut atuartunullu soqutiginnittunut paasissutissiisutaasussatut, atuarfinnut aamma atuakkanik atorniartarfinnut nassiussuunneqassaaq.

Aammattaaq annikitsumik aatsitassarsiornermut maleruagassat aamma qinnuteqarnermi immersugassat pillugit paasissutissat, innuttaasunut nittartakkamiittoqarpoq.

Aatsitassarsiorluni ingerlatat annikinnerusut, najukkamit aallaaveqartut ineriartortinnissaat annertunerusumik tapersorniarlugit, annikitsumik aatsitassarsiorinissamut suliaasaqarfimmi maleruagassani maannakkut atuuttuni immikkoortut ilaanni pisariillisaanissaq pisariaqarsinnaavoq. Taamaattumik annikitsumik aatsitassarsiorinissamut maleruagassat atuuttut misissorneqarnissaat, suliaasaqarfimmi naalakkersuisutut akisussaasuusutut 2011-ip naalernerani suliniutigaara. Tamanna qinnuteqartunut nuannaarutaasumik qinnuteqarnermut aammalu annikitsumik aatsitassarsiorinissamut akuersissummi ingerlataqarnermi annissuinissamut periaatsit pisariillisarneqarnissaat siunertaralugu ingerlanneqarpoq, taamaalilluni pisortat allaffissornikkut ingerlatsinerat eqaannerusumik ingerlasinnaaniassammat.

Suliniuteqarnermi matuma siuliani taaneqartumi annikitsumik aatsitassarsiorinissamut akuersissummut pisinnaatitsissummik pigisaqartut – allallu soqutigisaqartut – maannakkut annikitsumik aatsitassarsiorinissamut maleruagassani allannguutaasussanik siunnersuuteqarnissaannik kaammattorneqarput. Taamaattumik annikitsumik aatsitassarsiornermik inuussutissarsiuteqartut suliap ingerlanerani siusissukku peqataatinneqarput, taamaalillutik maleruagassani allannguutaasinnaasut suliarilluakkamik tunngaveqartumik, annikitsumik aatsitassarsiorinissamut suliaasaqarfimmi suliaqartunit atituumik taparserneqarlutik, pisinnaaniassammata.

Aatsitassanut Ikummatissanullu Pisortaqarfik pilersitsiviusumik siunnersuutinik arlalinnik tigusaqarpoq, tamannalu tunngavigalugu 2012-imi ukiakkut ataatsimiinnermi annikitsumik aatsitassarsiorinissamut maleruagassat allannguuteqartinnissaannik siunnersuummik saqqummiussissamaarpunga. Allannguuteqartitsinissamik siunnersuut tamanut ammasumik tusarniaassutigineqassaaq aammalu tamanna pillugu partiit tamaasa oqaloqatiginissaat qilanaaraara.

Maleruagassanut nutaanut siunnersuummi ilaatigut annikinnerpaaffissamut killissaliussamik atuutsitsisoqalissasoq siunnersuutigineqassaaq, taamaalilluni inuit maani najugaqartut annikitsumik aatsitassarsiorinissamut akuersissummik peqaanngikkaluarlutik, ukiumut 100.000 koruunit nalinganut inuussutissarsiutigalugu aatsitassanik katersisinnaalissallutik paaasinnaalissallutillu. Taamaalilluni assersuutigalugu sunngiffimmi ujarassiuut, aliikkutaralugu ujaqqanik katersisartut aamma ujaqqanik silisartut, annikitsumik aatsitassarsiorinissamut akuersissummik peqaqqaanngikkaluarlutik annikinnerusumik ujaqqanik katersisinnaalissapput tuniniaasinnaalissallutillu.

Tamatuma saniatigut inuit Kalaallit Nunaanni aalajangersimasumik najugaqartuunngitsut, ilanngullugit takornariat, akuersissummik peqaqqaanngikkaluarlutik aatsitassanik ukiumut 15 kiilu tikillugu katersisinnaasasut siunnersuutigineqassaaq. Taamaattorli aatsitassat akisuut maleruagassami tassani pineqartunut ilaassanngillat.

Taamaattumik suliniuterpassuarnik ingerlasoqareerpoq, aammalu Kalaallit Nunaanni annikitsumik aatsitassarsiornissamut suliassa qarfimmu tassani siunissami periarfissanut soqutigisaqartut attuumassuteqartut oqaloqatigineqarnerat ingerlareerpoq. Taamaattumik aamma annikitsumik aatsitassarsiornissamut suliassa qarfimmu tunngatillugu oqallinnissaq tapersorsinnaavara aammalu politikkerit tungaanniit tamanut nuannaarutaasumik inuussutissarsiummi tassani periarfissat pitsanngorsarneqarnissaat kiisalu tamatumani allaffissornikkut aqutsinerup pisariillisarneqarnissaa isumaqatigiissutigineqassasoq neriutigaara.